

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Gebet- und Andachtsbuch - Cod. Lichtenthal 98

Oberrhein, [Anfang des 16. Jh.]

Gebete zu Maria

[urn:nbn:de:bsz:31-35621](https://nbn-resolving.org/urn:nbn:de:bsz:31-35621)

liche suscekeyt vnser lieben
herren ihesu xpi / hylff
vns lieber her. Zu der ewi-
gen seligkeyt / vnd mach
vns alle vnser sünd bekant
vnd leyt. Amen /

Man schrybt von diesem
gebeth / wër es spricht dry-
syg tag andechtig / vnd
nüchterlyng / gebycht vnd
gexewt / vmb eyn müglich
bytt / das selbig erlangt
es an Zwyffel / von vnser
lieben frauen / Auch wriet
sy ymb ersthynen dry tag
vor synem tod / Vnd der
heylic vatter Innocentius

der babst / hat es bestetty //
 get / vnd hat geben funffzig
 tag ablas / vnd eyn kaven /

Santa maria / eyn jung //
 frau ob allen jungfrawen,
 Eyn mütter der barmhertzigkheit /
 Eyn mütter aller würdykheit,
 Eyn süßer trost. aller betrübtten /
 Eyn vff halteryn. aller verzwy //
 felten / Ich bytt dych durch das
 sthnydende schwert: das durch
 dyn sele / vnd hertz sthneydt:
 do dyn eyn gebornes kynt Jesus
xpus / den byttern tod leytt an
 dem crütz, Durch dye lyebe.
 dye dyn liebes kynt hatte zu
 dyr: do er dych sant Johansen
 an dem crütz befalch, Hylff
 myr / vnd tröst mych in allem

mynem kumber vnd lyden /
In aller myner wyderwertig-
keyt / In aller myner krank-
heyt / In allen mynen sorgen /
Gyn müter der barmhertzig-
keyt, Gyn süßer trost aller Cry-
stenheyt / Tröst mych in allen
mynen nöten / Sych an myn
lyden / not / vnd erbeyt / Sych
an myn grosse sünde : do ich
inne lyge / Vnd weyß myt vnd
weyß myt zu wem ich flyehen
sal. dan zu dyr frau sancta
maria, Gyn gebereyn des
waxen gottes sunes ihesu
xpi. Gesto myr heüt / vnd
ymmer bye : du wyderbrynge-
ryn der menstheyt. Ehöre

mych durch dyne süßykheit :
 durch dyne güte. vnd myltig-
 keit. **V**nd durch die liebe : dye
 dyn kynt hatte : do er dye men-
 sheyt an sich nam, **V**nd zu-
 rate wardt myt sym vatter :
 vnd myt dem heyligen geyst,
 wye er myt syner menstheyt
 erlösen würde alles mensth-
 liche gestlecht, **V**nd do er dye
 maria, von dem engel ver-
 kündet wart : vnd in dyne
 jungfröwlichem lybe. vierzig
 wochen. waxer gott. vnd mensth-
 getragen wart, **V**nd nach den
 vierzig wochen. von dye on
 allen schmertzen. in diese welt
 geboren wart, **V**nd durch die

angst vnd not / dye dyn liebes
kynt hette : do er vff den berg
olyueti gyeng : vnd bate synen
vatter : möcht es gesyn : das
er der maxter über haben
würde / **V**nd durch den heyligen
gang : den er an das crütze
gyeng / **D**o du vff **h** sehe : das
er den bitteren tod an dem crütze
leyt / **I**ch bytte dich durch dye
schläge : vnd durch dye schelt-
wort : vnd dye ver spuwung,
Durch den spott . vnd falsche
gezügriß : vnd durch dye steen-
ge byndunge syner hende .
Vnd geysflunge / **V**nd durch
das dryfaltig gebeth : das

dyn liebes kynt vor syn tode
 det / Und durch dye blütigen
 schweyß tropffen / Und durch
 dy gedultyghkeit : dye dyn liebes
 kynt yn synem lyden hatte,
 Und durch das schwygen : und
 durch das erschrecken synes
 todes / Und durch dye scham //
 me : dye dyn liebes kynt hatt :
 do er enblöffet wardt / Do er
 vor dyr maria . und vor aller
 welt : an dem crütz schemme //
 lichen hyeng / Und durch dye
 dürne krone : dye ym yn syn
 haupt getruckt wardt / Und
 durch das sper : do myt er durch
 syn heylige syte gestochen ward /
 Und durch das blüt : und wasser :

das do von syner heyligen syten
flos: do myt er ertzougt. das
sine gnade. vnd barmhertzikeit.
vff vns geflossen wart / Durch
den duest: do er myt essig. vnd
myt gallen getrenckt wart /
Vnd durch dye nagel / dye ym
durch hende. vnd fusse wurden
geschlagen / Vnd durch dye liebe:
do er syne sele synem vatter
entpfalch / Durch den vfgang
synes geystes: do syn sel von
synem lyp sthyede / Vnd do er
myt luter stymme sthrey:
Vatter. warumb hest du mych
gelossen / Vnd do er syn houpt
neygt: vnd myt grossen schmer-
zen sprach / Consummatum est /
Es ist alles volbracht / Vnd

durch dye ryßfunge: ~~do~~ do
 sich der umbhang yn dem
 tempel zerreyß / Und durch
 dye fynstermyße der sonnen:
 vnd des mones / Und der erd //
 bydunge: der do gesthach: do
 got an dem heyligen Crütze
 starb / Und durch dye gnade.
 vnd barmhertzykeit: dye
 dem schächer an dem Crütze
 gesthach / Durch dynes lieben
 kyndes dot: vnd synex begreb //
 myße / Und durch den gang:
 den er gyeng zu der forhelle /
 Und durch dye freude: dye dye
 selen do enpfyengent: do dyn
 lyebes kynt zu yn kame:
 vnd sye vs der helle erlöft /
 Und durch dye freude der vr //

stende: dynes lieben kyndes.
Vnd durch dye ersthymung:
dye er vvertzig tage: nach
syner vvestende: vff der erden
dēt. Do er dye maria: vnd
den andern synen userevelten
jungeren erstheyn. Vnd durch
dye vffart dynes lieben kyndes:
do er zu angesicht. vor dye
maria: vnd synen jungeren:
in den hymelen empfangen
wart. Vnd durch dye gnade
des heyligen geystes: dye er
an dem pfingstag in aller
syner junger hertzen goss.
Vnd durch den jungsten tag:
so er strengklych kumet zu
richten über dye doten: vnd
über dye lebenden: vnd über

dye welt myt füere / Vnd durch
 dye freude: do du maria empfan-
 gen wurde in den hymel: vnd
~~du~~ dych fröwest on ende:
 in der angesiecht dynes lieben
 kyndes / **E** höre mych an dyser
 bette: darumb ich dych flyssig-
 klychen bytte / **S**prych syben
ave maria / myt vernyen /
hye saltu das nennen / vnd
sagen / das du sunderlychen
begeren byst / Ich bytte dych
 würdige liebe jungfraw maria /
 vmb dye sach / das du mych
 wellest erhören genedyglichen /
Wenne ich wol weyß: wes
 du dyn kynt byttest / das er
 dyr das nött mag versagen /

das ich gantzlichen, vnd snel //
lyglichen: vnd nützlichem dy //
ner hylffe offentlichen gewar //
werde / Durch dye myltigkeyt //
vnd barmhertzigkeyt dynes lieben //
kynedes / vnd durch den wyllen //
den dyn liebes kynt düt allen //
den dye yn ym hertzen fürchtent //
Erfröwe mich. vnd erhöere mich //
zu dyeser bette / do ich dych flys //
syglych vmb bytte / Das du //
mir erwerbest an dynem lieben //
kynde: stetigkeyt. an dem sey //
stenglauben / Rechten glauben //
woren rüwen / Gantzen vnd //
luter bichte / vnd behüt mich //
vor sünden: vnd vor weltlichen //
schanden / vnd verlyhe mir: //
das ich dynes lieben kynedes

dot . vnd martel tēglichen . vor
 mynen ougen teage / Vnd das
 ich das gebette also volbringe:
 das es gott . vnd dyr mütter der
 barmhertzigkeit löblich sye /
 Vnd verlyhe myr stettygkeit .
 an guten wercken / Vnd gyb
 myr eyn gut seligs ende / Den
 doten barmhertzigkeit . vnd
 das ewig leben / Den lebendigen:
 eyn selige Zyt vff erden /

Das verlyhe myr . vnd ynen
 gott der vatter / vnd der sun /
 vnd der heylig geyst / Amen /

*Hyre nach folgen gebett: von
 den fünff schmerzen der
 jungfrawen marie / welche*

Sant anshelmus yr caplon
gemacht hat / do eyn yglichs
an hebt. von eym büchstaben
des namens Maria. Welche
gebeth. so eynex spricht. so er
langt er groß grad. vnd ablas /
von gott: als sancto iohann
ewangeliste geoffenbart ist /
Welcher (als vom jm ge
schryben ist) begeret oft
dye jungfraw maria zu
sehen. nach yrer vffnemung.
in den hymel. Zu letst
wart er uff eyn zyt ver
sucht / in eym gesicht: in
den hymel: do hort er / das
dye jungfraw Maria yrem

sun sagt: das sye vff diesem
 creteyck nemlich beteübt

☉ were geweest: in dyesen nach
 gesthryben schmeretzen /

Zu dem ersten / do symeon
 sprach: dyn sel wurdet durch

☉ deynngen eyn schwert /

Zu dem anden: do ych
 merckt yn dem geyst: das
 du gefangen wast: vnd
 wÿst. das du soltest. vnd
 woltest lyden /

Zu dem dreytten: do ich dich
 ☉ drey tag verloren hett /

Zu dem vierden: do ich
 dich sach vor mynen ougen
 an das kreutz hencken /

Zu dem funfften: do man dich
von dem kreutz nam. Und myt
freysthen wunden. Und gantz
myt eynem blut geseht. in
myn sthof wardest geleyt /

Do antwurt ye vnser her
ihesus xpus / Aller liebste
mutterwoyf. das eyn yglichen:
der dich ermant: und bitt
durch den ersten sthmetzen:
den wyl ich erbynden von
allen sünden: Und wyl yn
erlöfen von allem übel /

Und welcher dich hermant.
und bitt durch den anderen
sthmetzen: dem wyl ich

geben waren een. vor synem
 dot: vnd so vol kumen de
 lieb: das er ym hymel: sal
 als vyl lons empfahe: als
 hett er myr vierzig ior: myt
 allem höchsten flyß gedient /
 Welcher dich myr bitten
 durch den dritten schmerzen:
 den wyl ich erlösen vor
 allem angst. vnd sorglicheyt.
 lybs vnd sel: in welchen er
 gefangen ist / so er dich an //
 dechtig darumb myr bitten /
 vmb wylten myner gefängnis /
 Welcher dich aber bytt. durch
 den vierden schmerzen: in
 dem wyl ich machen beymen

das für gottlicher lieb: ist
es in im erlösten. durch das
für myner lieb. und lydens:
also. das er mynes lydens
nymmer vergessen sal,
und ob er schwach. für synem
tod wurd: das er myner
marter nit gedencen mag.
so wyl ich im doch solche
belonung geben: als ob er
al syn tag. in gedechtnis
mynes lydens verthlyssen
hett / Und welcher
dich wurd bitten sond er //
manen durch den funfften
schmertzten: den wyl ich für //
kumen / mit myner gnaden.

vnd barmhertzigkeit / vnd
 wyl dyr gewalt geben. über
 syren lyb. vnd sel / das du
 myt ym barmhertziglichen
 handelst. nach dynem wol
 gefallen / **D**orumb sal
 eyn yglicher andechtiger
 menstch myt gutem getuwen.
 dye mutter gottes bitten: vnd
 anruffen: gut vertuwen habend
 zu der guttygkeit des herren /
 vnd gutdäten. als hie vor
 begriffen ist / **Pr** m / **Aue maria** /
O **M**aria: **mediatric**.
 eyn mytleryn. zwyschen
 gottes vnd den mensthen: vnd
 eyn brunne der barmhertzigkeit:
 on vnderloß vffgyessen dye bäch:

der überfließigen gnaden /
Ich bitte dich aller süßeste
mutter unsers herren ihesu xpi :
durch die betrübniß. die du
hattest in dynem myltestem
hertzen : den vnd darnach : do
der alt heylig symeon. wyß
sagende sprach / **D**yn : syns
sel : wyrt durch gon eyn swert :
das du begereest. das der selbig.
dyn gebenedyeter sun : myre
verlybe . von syner überflüssigen
güttygkheytt : durch dyn selbige
betrübniß : abloß aller myner
sünd / **V**nd das er mych ledige
von allen ubelen / vergangen :
gegenwertig : vnd zukunfftig /
Amen / **P**ater noster. **A**ve
maria / *Auxiliatrix.*

O maria eyn helfferin
 zwÿschen gott: vnd der
 menschen: eyn vffenthalt.
 des ewygen freydens / Ich bytt
 dich du aller durchlüchty //
 gesten künigin des hymels:
 durch dye schmerzlich betrubt //
 nyß. die du hattest yn dynem
 gütygsten hertzen: dar vmb
 das du dyn allerliebsten sunne.
 dry tage verloren hattest /
 das du yn en byttest: durch
 dyn selbygen betrubt nyß:
 das er myr verlyehen wolle:
 erkantnyß: volkommen rewe:
 reyne bycht: steten hoffen:
 gewisse sicherheyt: von gott
nymer gestheyden werden:

vnd also volkōmne. vnd wore
liebe: vff das ich verdiene yn
dem h̄ymel. zu über kumen
sölllichen lon: als ob ich ym
flüsslych hett gedient. vyl ior/
myt volkūmenheyt. eynes
aller heyligysten leben. Amē/
Pater noster. **A**ve maria /

O Maria **Reparatrix** /
eyn wyder bringer yn
der schwachen: vnd eyn kref-
tyge artzney: der verwunten
sel / Ich bitt dich ersame frau /
durch dye betrübtyß: dydu
hattest. yn dynem scrifftesten
hertzen: von wegen. das dye
vnterwren **J**uden. fyengen:
vnd hielten den begyrlichen

ein gebornen sun. dyns lybs:
 von dem du erkantest ym
 geyst: das er wolt: vnd solt
 lyden. Zu heyl: des mensch-
 lichen geschlechts / Das du
 wellest bitten. den selbygen
 dynen sun: gnedyg der welt:
 das er durch dye selb: dyn
 betrubnyß / mych welle er-
 lösen. von aller gefengnyße:
 vnd trübseligkheyten: lybs.
 vnd sele: schaden: vnd ang-
 sten / myt mynen freunden:
 gutteter / vnd günner. vnd
 für dye ich schuldig byn zu
 bitten / **D**uch welle bestyr-
 men. vor allem übel. Amen /

Pater noster **A**ve maria /

O maria. *illuminatrix* /
eyn erluchteryn der blinden /
vnd lucern. der heylsamen
gnaden. Ich bitte dych gut-
tige mütter gottes: durch dye
betrübnys. dye du hattest.
yn dynem gnädigstem hertzen /
do du sahest: das dyn lieb-
ster sun. von den grausamesten
juden: myt schæpffen na-
gelen. on alle erbernde. ge-
hefft ward. an das lebendyg
kreütze. **D**as du von yme be-
gerest. durch dyese betrübnys.
Das er entzünd yn myr eyne
für. worer lieb / vnd lydenß:
myt welchem mych der oberst
pwyester. vnder werff dem
holtz des kreützes: auch enere

vnd im altar mynes hertzen .
 stettes bymme : vnd flamme :
 yn gedechtnys / vnd das ich
 myner vergesse synes heylig-
 gyften lydens : vnd tode /

vnd ob ich vß grosser kranck-
 heyt / oder ander versach . dar
 an gehindert wüed : das
 ich durch das selbig . syn
 bytteres lyden : yn der stünd /
 myns lydens : vnd us syner
 überflüssigen barmherzig-
 keyt : verdienne zu empföhen
 so grossen lon im hymel :
 als ob ich alle myn tage .
 verzeret hett : yn betrachtung
 synes aller heyligysten lydens .

Amen

Pater noster **A**ve maria /

O Maria **A**ducatrix /
eyn fürsprecheryn aller
sünder: dye dye bürdyn der
laster. so sthedlich vnder druckt.
eyn ende vnser armüt / Ich
bitt dych du erwidigyste
frow. der welt: durch dye vn-
lidliche betrübtmyß. die du hat-
test yn dynem myltestem her-
tzen. yn der stünd: do dyn aller
vserwelt lieber sün. vom
krütz geleyt. myt frysthen
wunden / geferebet myt synem
eygenen rosenfarben blüt /
dye von ioseph geben wardt.
yn dyn sthof: der do ist eyn

34
kron der freuden / aller seligen.
yn dem hymelsthen künig stül /
das er selbs für komen welle :
durch dyese dyn betrubtniß :
vß überflüssigkheit syner gno-
den : vnd syner vß gegossen
gnoden . vnd geben myn lyb :
vnd myn sele : yn dynen ge-
walt : vnd yn dye sthof . dyner
milttesten barmherzigkheit :
dye du reylichen vff düst ewig-
klych ~~an~~ allen denen : dye dich
andechtygklych bitten synt .
Ouch bitt ich dich begyerlich :
das ich empfangen werde :
yn dyn selbige sustzende sthof /
durch dyn süsseste sun . sthyubar :

vnd rotelecht : erwelt vftusent.
der do ist ein schatz. aller dy-
ner seligkheit : den du so gantz
zartliche / yn dyner schoß : myt
dynen eygenen brusten ge-
seugt hast / Vff das ich ouch
verdiene. yn diesem gegen-
wertige leben : vnd vor ab.
an mynem letzten end. dich
zu sehen myt freuden : vnd
möge dancksagen dyner ee-
berend / ymer : vnd ewig :
vnd on end. Amen **P**ater
noster **A**ve maria gracia /
Das gulden kronbett vnser
lieben frauen / Welcher mensch
so selig ist von gott / das er vnser

lieben frauen eynen lieben
 dienst wyl erbieten / der sal
 hundert **ave maria** sprechen:
 als die dan hernach volgent /
 vnd alle tag / nach synem staten
 eyn liecht brennen: dreißig
 tag / on vnderloß / vnd byß des
 sicher: worumb du bittest:
 wirst du geweret: es syge
 vmb lyb: oder vmb sele / oder
 vmb ere / vnd ee dich maria
 des gebets vngeweret lief /
 ee müßt hymel / vnd erd zer
 geen / wan dieses gebett kompt
 von hymel / vnd wiltu wissen /
 wie es her komen sey / so merck
 vff / **Exempel** Es was eyn hey-
 lige jungfrau lang zyt in eyne

kloster gewöfen / vnd het rey-
nigkheit versprochen / Des wurden
yere fründ innen : vnd namen
ye : iz erbt Eyl / do ver Zagt sye
so gar : das sye mitt wylt : wye
sye im thun solt / Vnd nam
re für den heyligen engel Ga-
briel / vnd dyent im / so sye al-
ler best kündt / Syne nachtes
do sye an yrem bett lag / do
kam der engel sant gabriel :
vnd lemet sye das gebeth :
vnd sprach / So sy das sprech :
so wurde sye geweret : oder
wer es bettet dreissig tag
tglich / Item zünd an
eyn liecht : vnd sprich steend
2 aue maria / vor vnser lieben

frawen byld: vnd darnach
fall nyder uff dyne knye:

Ich ermane dich vnd sprich,
O Maria der grossen über-
flüssigen freud. vnd eren /
dye dyn sel / vnd lyb empfieng:
do dich gott der vatter: vnd
der sun: vnd der heylig geyst:
im selber uferwelten. in
dem rath der heyligen dey-
faltigkeit: vor hymel vnd
erde / vnd vor allem: das er
ye gesthuff / Maria gottes
müter: las mich genyessen
der überflüssigen freud: Vnd
byß von myre aemen sündereim
gemanet. vnd gebetten: das
du mich myns gebets gewerest:

nach dynen gnaden: vnd my-
ner notturf / Amen / *Sprich*

2 aue maria steend / Dye
ander ermanung: knye /

Ich erman dich O maria /
der grossen überflüssigen éren:
vnd wíreden / dye dyn seel: vnd
lyb enpfyeng / Da dye der hey-
lig engel gabriel verkündet:
das du gottes mütter soltest
werden: Vnd dennoch jungk-
fraw blyben in der geburt /
wan er sprach / Begrüsset
syest du maria / vol gnaden:
der her ist myt dye: du bist
gesegnet yn den frawen / Da
du vernamest dye wort: do
erkantest du des vatters gúte:

des süns barmhertzigkeit:
 Vnd des heyligen geistes weis-
 heyt. vnd sprachest / **S**ych ein
 dienerin des herren: myr
 geschäh. nach dynen worten /
 dyn will werd. an myr vol-
 bracht / **O** maria. myt denen
 worten: wurdest du erfüllet.
 myt dem heyligen geist / Vnd
 dyn kynt. vüwete vnder dynem
 hertzen neun monet / **D**arumb
 frau ein mütter gottes: laß
 mich gemessen der grossen über-
 flüssigen freuden / Vnd byß von
 myr armen sünderin ermanet.
 vnd gebetten / das du mich
 mynes gebets gewereest / nach
 dynen gnaden / vnd nach myner
 nottuerfft / **A**men /

Sprich & aue maria / steend /

wey deytt ermanung /

Ich ermane dich O maria der
grossen überflüssigen freuden.
eren. vnd wurden. die dyn sel
vnd lyb enpfyeng. an dem heyl
ligen wynnacht tag / do du ge
borest dyn liebes kynt: on
natürlich schmertzten / vnd
denocht jungfrow blybest
in der geburt: vnd nach der
geburt / O liebe mütter ma
ria / do ward dyn freud so
gax gros: do du dyn liebes kyndt
zum ersten mol an sahest: das
du es uffsuchtest. an dynem
gerechten arm: vnd wýstest
myt vor grossen freuden: wey

du ym thün soltest / Darumb
 frau maria gottes mütter /
 der grossen überflüssigen freuden :
 laß mich genyessen . Vnd byß
 von myr armen sünderin ge-
 mant vnd gebetten : das du
 mich mynes gebets gewerest .
 nach dynen gnaden / vnd nach
 myner nottuefft . Amen /

*Sprich 2 ave maria /
 stehend / die vierd ermanung /*

Ich ermane dich O maria /
 der grossen überflüssigen freuden /
 éren . vnd auch wyede / die dyn
 hertz . sel . vnd lyb empfeng /
 da dyr . vnd dynem lieben kynd :
 die heyligen dreie künige / das
 wüdyg opffer brachten : gold /

mire: vnd wirauch / Wan
sye dye ersten waren: die dych.
vnd dyn kynd ereten / Vnd
an dynem kynd erkanten:
das er gott. vnd mensth was /
fraw maria gottes mütter:
der grossen freuden. byß von
myr armen sündereim gema
net. vnd gebetten: das du mich
mynes gebets gewerest: nach
dynen gnaden. vnd nach
myner nottufft / Amen

*Spreich x Ave maria steend /
dye fünfft ermanung*

Ich ermane dich O maria der
grossen überflüssigen freuden /
een. vnd werde / dye dyn sel.
vnd lyb empfieng / da du dyn
liebes kynd yn dem tempel

fandest / **D**o du es verloren het-
 test: vnd wol wÿstest: das dyn
 kyndt getödt solt werden / vnd
 dye marter lyden. **A**ber nitt
 wÿstest man: da von was dyn
 lyden so groß / **D**o aber du
 dyn kyndt fandest: do was
 nyendert keyn gelid an dy-
 nem lyb: es was vol myt grossen
 freuden / **D**arumb fearw ma-
 ria gottes müttel / **D**er grossen
 überflüssigen freuden. **L**as mich
 genÿessen: vnd byß von mye
 armen sünderin gemanet
 vnd gebetten: das du mich
 mynes gebets gewerest nach
 dynen gnaden / vnd myner
 nottuefft. **A**men / **S**prich

2 Ave maria steend / Dye
Ich secht ermanunge /
ermane dich O maria der
überflüssigen freuden / eren /
vnd wyreden / dye dyn sel / vnd
lyb empfyend. an der heyligen
oster nacht. Da dye dyn liebes
kynt er sthyn. myt synem
sthynbarlichen lychnam. nach
der vfstend. vnd dich dröset.
nach grossen hezkleyd / dar
nach ersthyn er marie mag
dalene / vnd synen aller liebsten
feunden / vnd für gewaltig
klych in die vor hell / vnd erloste
alle die im lieb waren / vnd
synen wyllen hetten gethon /
vnd fürte sye myt im in das

paradyß / z fraw maria got-
tes mütter. ¶ der grossen freuden-
byß von myr armen sündereim
gemant. vnd gebetten / Was
du mych myns gebets gewerest.
nach dynen gnaden: vnd my-
ner nottufft / Amen / Sprich

z aue maria steend / Dye
Tch er // sybent eemaring /
mane dich O maria. der
grossen überflüssigen freuden /
eren. vnd wyed / dye dyn sel
empfyeng. an dem heyligen
uffret tag / Wo dyn liebes kyndt
zu hÿmel für / myt allen denen.
die er am oster tag zu morgen:
us der vorhell. genumen hett /
O liebe mütter maria. dye

freud was also groß. an dynes
kyndes eygen krefften: das
nichts sich gegen der freud
glichen mocht. **W**an du hast
gesehen. durch dye neun kör
der engel: den stül. der dyr be
weyt was / us krafft der heyl
ligen dryfaltigheyt: den du
besitzen soltest. **O maria.**
der geossen freuden. byß von
myr armen sünderin gemant
vnd gebetten: das du mich ge
worest nach dynen gnaden:
vnd nach myner nottufft.
Amen / **Spreych x aue maria.**

Tsteend / **Dye acht ermanung /**
ch ermane dich **O maria.** der
übersthywentlichlichen freud / eren.
vnd wyrede / dye dyn sel / vnd

441
lyb empfyeng. an dem heyligen
pfyngstag / Da du. vnd dye
heyligen zwelfbotten: vnd
andere us erwelten frunde
gottes. sassen. myt versthlof-
ner chure / Do kam dyn kynt.
mytten vnder uch alle: myt
dem heyligen geyst / des ye
furbas keyn sorg mee hettent
uff die juden / vnd dyn kynt
sendet dye heyligen zwelf-
botten in die welte: das sye den
glauben predigen solten /
Fraw maria. gottes mütter:
der geossen freuden. byß von
myr armen sündere in ge-
mant. vnd gebetten: das du
mych mynes gebets gewereest.
nach dynen gnaden: vnd my-
ner nottwerfft / Amen /

Sprich x aue maria steend /
Ic dyc neund ermanung /
ermane dych O maria. der
grossen überflüssigen freuden:
ereen / vnd wüede / dyc dyn sel.
vnd lyb empfyeng / da dyc
der engel gabriel verkündet:
das du von diesem ellend. sol-
test faren. Zu den ewygen freu-
den / Vnd dyc heyligen zwelf-
botten kamen zu dynem le-
bendigem lyb / Vnd kam dyn
lyebstes kynde: myt allem
hymelischem her / Vnd füret
dych in dyc neun kör der engel:
dar innen du wonest. bys an
den iungsten tag / da wart
dyc von ydem gros ere erbot-
ten / fræw maria. gottes
- miter

der grossen freuden. byß von
 myr armen sündereim gemant.
 vnd gebetten: das du mych
 gewereest. nach dynen gnaden:
 vnd myner nothtufft. Amen

Sprich x auē maria seend/

dyē zehend ermanung/

Ech ermane dich O maria. der
 grossen freud / vnd eren: die
 dyn heylige sel. vnd hyl en //
 pfyeng. an dem vierzigsten
 tag: do dych dyn kynt ge //
 waltiglich uff fürte: in den
 zehenden thron / vnd satzte
 dych uff den stul / der heyligen
 dryfaltigkheit / vnd gab dyr
 gewalt: über hymel. vnd
 erd / vnd dyē kron des hy //

melrichs. myt den zwelff
sternen salomonis / Vnd wu-
dest geheysen eyn mütter
der barmhertzigkeit / Dar-
umb frau maria. der grossen
freuden / byß von myr armen
sünderin gemant. vnd ge-
betten: das du mych gewerest
myns gebets: nach dynen
gnaden / vnd myner notturfft /
Amen / *Der besthluß /*

*M*aria eyn mütter gottes:
dye freud alle: kömen myr
an mynen letsten zytten. zu
hülff. vnd trost: vnd dyn
liebes kyndt. vnser her ih̄s
xpus. Amen / *Sprich .x.*
ave maria / steend /

Wyese funff nach gendt ge-
 betlyn: synd gemacht uf den
 funff büchstaben des nāmes
 vnser lieben frauen / M. a.
 .r. i. a. vnd fucht yedes wort.
 an eynem büchstaben an. im
 latyn / Vnd were das alle tag
 spricht mit andacht: vnd mit
 reu syner sünde: der kumpt
 nit in dye helle / Als dan das
 eyn sant iohanser herre zu
 strafburgk offentlich geprediget /
 vnd syn seel dar an zu pfand
 gesetzt hat / Dye uflegung
 des worts Maria nach den
 funff büchstaben / an.

maria eyn mediatrice /
 mytleryn zwysthen gott.

vnd den mensthen / mach dych
das myttel zwysthen dem
gerechten gott: vnd myr ar-
men sünderin / Amen / *A.*

O maria. *Auxiliatrix* /
eyn helfferin in aller angst
vnd not / kum myr zu hülf:
in allem mynem lyden / Vnd
myr wyder dye bösen geysten
steyten. vnd fechten / Vnd alle
myne bekorung. vnd anfech-
tung überwinden. Amen /

O *. r .* *Reparatrix* /
maria. eyn wyderbrin-
gerin der verloren gnaden
aller mensthen / wyderbring
in myr alle myne verlorne
zyt: vnd myn sündlich ver-

sumpts leben / Amen /

J. Illuminatrix /

O maria eyn erluchterin.
Dye do geboren hat das
ewyge lyecht aller welt /
erlucht myn vnwyssen. vnd
vnbekanthnyß: das ich
arme sünderin. mit gange
in dye fynsternyß. des ewigen
todes. Amen / **a. Aduocatrix /**

O maria eyn fürsprecherin
aller ellenden menschen:
byß myn fürsprecherin an
mynem letsten end / vor dem
strengen veteyl gottes: vnd
erwyrb myr dye gnade:
vnd dye frucht. dynes lybes
ihesum chrystum. Amen /